



საქართველოს პარლამენტის
შუალედური და გურჯაანის მუნიციპალიტეტის მერის რიგგარეშე არჩევნების
რაოდენობრივი მედიამონიტორინგი
(12.08.2023 – 31.08.2023)

კომუნიკაციების კომისია 2023 წლის 01 ოქტომბერს გასამართ საქართველოს პარლამენტის შუალედური და გურჯაანის მუნიციპალიტეტის მერის რიგგარეშე არჩევნების წინასაარჩევნო პერიოდის მედია მონიტორინგის ანგარიშს აქვეყნებს, რომელიც 2023 წლის 12 აგვისტოდან 31 აგვისტოს პერიოდს მოიცავს.

საანგარიშო პერიოდში 3 მაუწყებლის რაოდენობრივი მონიტორინგი განხორციელდა. აღნიშნული სამაუწყებლო არხებია: თრიალეთი, გურჯაანი და ტვ 4. ეს არის ადგილობრივი მაუწყებლები, რომლებიც იმ მულტიპლექსებში მაუწყებლობენ, რომელთა დაფარვის ზონაშიც შედის აღნიშნული არჩევნების საარჩევნო ოლქები. მონიტორინგი საუკეთესო დროს, კერძოდ, 19:00 საათიდან 24:00 საათამდე პერიოდში მიმდინარეობდა.

მედია მონიტორინგის პროცესში კომისიის დაკვირვების საგანს წარმოადგენს:

- ა) წინა საარჩევნო რეკლამა;
- ბ) წინა საარჩევნო დებატები;
- გ) ახალი ამბები და საზოგადოებრივ-პოლიტიკური გადაცემები;
- დ) წინა საარჩევნო აგიტაცია;
- ე) საზოგადოებრივი აზრის კვლევები/გამოკითხვები;

მონიტორინგის პროცესში დეტალური ანალიზი განხორციელდა სამაუწყებლო კომპანიებში წინა საარჩევნო ფასიანი და უფასო პოლიტიკური რეკლამის სამართლიან და გამჭვირვალე განაწილებაზე. საანგარიშო პერიოდში მთავარი საინფორმაციო გამოშვებებისა და საზოგადოებრივ-პოლიტიკური გადაცემების, ასევე წინა საარჩევნო დებატების მონიტორინგის პროცესში ყურადღება გამახვილებულია სამაუწყებლო კომპანიების მხრიდან კვალიფიციური საარჩევნო სუბიექტებისათვის დათმობილ დროზე და მათი წინასაარჩევნო აქტივობების გაშუქებაზე. დაკვირვების საგანია ასევე, მაუწყებლის მხრიდან იმ პოლიტიკური სუბიექტების საქმიანობის გაშუქება, რომლებიც არ წარმოადგენენ კვალიფიციურ საარჩევნო სუბიექტებს, მაგრამ მონაწილეობენ არჩევნებში. მაუწყებლების მიერ მოქმედი კანონმდებლობით გათვალისწინებული ვალდებულებების შეუსრულებლობის შემთხვევაში, კომისია სწავლობს ყოველ კონკრეტულ საკითხს და ატარებს კანონით გათვალისწინებულ ღონისძიებებს.

ზემოაღნიშნული არხებზე რაოდენობრივი მონიტორინგი ჩატარდა, რაც სუბიექტისთვის დათმობილ დროს, პირდაპირ და ირიბ გაშუქებას მოიცავს. პირდაპირ დათმობილი დროის

ფარგლებში ანალიზდება შემთხვევები, როდესაც საარჩევნო სუბიექტი/კანდიდატი უშუალოდ საუბრობს/მონაწილეობს გადაცემაში, **ირიბად** დათმობილი დროის ფარგლებში, გაანალიზებულია მაუწყებლის მიერ საარჩევნო სუბიექტზე/კანდიდატზე, მათ მხარდამჭერებზე საუბრისთვის დახარჯული დრო.

მონიტორინგის შედეგებში ინფორმაცია ასევე ჩაშლილია გენდერულ ჭრილში, კერძოდ, ცალკეულ მაუწყებლებზე საინფორმაციო გამოშვებების ფარგლებში ქალი და კაცი პოლიტიკოსებისათვის დათმობილი ჯამური დრო.

მონიტორინგის შედეგები:


შპს „ტელე-რადიო კომპანია თრიალეთი“



ახალი ამბები - მონიტორინგს დაქვემდებარებული სუბიექტებისთვის დათმობილი დრო: საქართველოს მთავრობა - 40.4 %, ადგილობრივი მთავრობა - 27.8%. ხოლო ყველა დანარჩენი სუბიექტი 10%-ზე ნაკლები (იხ. დიაგრამა).

საზოგადოებრივ-პოლიტიკური გადაცემები - საზოგადოებრივ-პოლიტიკურ გადაცემაში „ხალხის აზრი“ პოლიტიკური სუბიექტების წარმომადგენლები მოწვეული არ ყოფილა.

მონიტორინგის პერიოდში მაუწყებლის ეთერში საარჩევნო სუბიექტებს შორის დებატები არ გამართულა.

მაუწყებლის ყოველკვირეული ინფორმაციის შესაბამისად, „თრიალეთის“ თვითრეგულირების მექანიზმში არცერთი საჩივარი კომპანიის მიერ მიუკერძოებლობის, სამართლიანობის პრინციპისა და ბალანსის დარღვევის შესახებ არ შესულა.





„ტვ 4“

ახალი ამბები - მონიტორინგის პერიოდში ახალი ამბები არ გასულა.

საზოგადოებრივ-პოლიტიკური გადაცემები - მონიტორინგის პერიოდში სამაუწყებლო არხი „მეგა ტვ-ის“ ეთერში საზოგადოებრივ-პოლიტიკური პროგრამაში საარჩევნო სუბიექტები მიწვეული არ ყოფილან.

მაუწყებლის ყოველკვირეული ინფორმაციის შესაბამისად, „ტვ 4“-ის თვითრეგულირების მექანიზმში არცერთი საჩივარი კომპანიის მიერ მიუკერძოებლობის, სამართლიანობის პრინციპისა და ბალანსის დარღვევის შესახებ არ შესულა.



„გურჯაანი“

ახალი ამბები - მონიტორინგის პერიოდში ახალი ამბები არ გასულა.

საზოგადოებრივ-პოლიტიკური გადაცემები - სამაუწყებლო არხი „გურჯაანის“ ეთერში განთავსებულია საზოგადოებრივ-პოლიტიკური პროგრამა „სათვალე“, რომელშიც საარჩევნო სუბიექტების სტუმრობა არ დაფიქსირებულა.

მონიტორინგის პერიოდში მაუწყებლის ეთერში საარჩევნო სუბიექტებს შორის დებატები არ გამართულა.

მაუწყებლის ყოველკვირეული ინფორმაციის შესაბამისად, „გურჯაანის“ თვითრეგულირების მექანიზმში არცერთი საჩივარი კომპანიის მიერ მიუკერძოებლობის, სამართლიანობის პრინციპისა და ბალანსის დარღვევის შესახებ არ შესულა.